


[www.BibleForChildren.org](http://www.BibleForChildren.org)

# Matiu 26



Eji ma sa  
nfunḡ erakera,  
Pasova rehng,  
Jisos kehm tahme  
go Betani, edi ji  
Lasaros lene no, ji á  
nyahme go elkv. Meri  
kehm koko egburu elom akehng ji  
sahb k'kim ekun, ba a ji, ba yaange  
wohngo Jisos go akpade, kehm fere ko  
alv esi enye, jo dohk-e akpade. Es'svv  
akehng mao kehm yeele na yeele eksp'kpa jio.




Judas Iskariot ji woomo go ellong ewubu ane abal ba jo toono Jisos kehm tahme goji atubesi abalimajom re á song gungu Jisos. Eltim yebe bo sehng, eji bo wuku ji Judas jo bung. Bo kehm taame re bo bahk-e kake akpohko. Á kehm kehme elsebe mband nyi nno nyi á bahke jabbe Jisos kak bo go abo.



Abat'toono Jisos kehm song  
toobo nsol elkak Pasova nio bum,  
ana Jisos tongo bo. Eji bo kpi  
nlehke nlehke nsol, Jisos kehm  
rodo ebred, kak Esowo saam,  
fere bakke, ka abat'toono ebe,  
kehm bungu re, "Koon, wahn li! A  
wo li ngubjing enyame."



Owo á kehm rodo nkob, kak  
Esowo saam, kehm kake bo,  
kehm bungu re, “Woon, wahn ane  
kpee! Tibre a wo li alung emame  
ma egbanngalung ji nfenfe, ma  
kp'fabe ka ane gbalee, eji bo l'bel  
eltahmeká go bo abiafem.”




Ntul a Jisos kehm bungu re, “Saimon, nnehm sebe re á ko nsahm nyi á bahk-n febe ana bo kpo febe arasi. Me n kak ero ka-a, eji a l'k'gbo go egama mbang. Ngare nyi a ma fere gbo ndon, jo kak abonane eko!” Owo Pita kehm-e faange re, “Ntul, me n toobo ebjing re me n je ngbekobo a na, jol afi elkv ni, m bahke kpoko a na.”

Jisos kehm bungu re,  
“Pita, n kp-a tongo re, Lela a bahke gbaame nkpel era re, me a nehme kahn, nkok kehm kuku.”



Owo Jisos kehm koko  
abat'toono ebe, tahm a bo  
song rehng go edi ji bo jo  
lung re Gesemani, kehm  
tongo bo re, “Jiin ana,  
tete me n song kak ero o  
feere.” Á kehm kehme ero  
kak re, “Nsoo, nong, me n  
k'lub nyehn erem bia, eyake  
l'fere jol. Nsoo, ejum ajehng  
ajehng riidem go ega. Fak-m  
erem bia! Ana koro me sang,  
ana koro wo wo.”



Judas kehm song kpiri atubesi abalimajom, a Bab Farisi. Bo kehm-e kake nsoja, a egom ane bandiki ba kpo baabe etahk Esowo. Bo fili at'rekahng, fili nr'rare nyi bo bunu no, jo ko nyaale agun, fere fili nsol ebta, tahm a nyi edi jio o. Nne awohng go bo ellong kehm fohko ekahngkahng ebe, kpale nju nyi ntubesi abalimajom etung eboblum. Owo Jisos kehm-e tongo re, "Ka kpe lim ano!" Á kehm rodo etung nne noo, feere a bi lak-e, á nob.



Owo bo kehm bobo Jisos tahm a ne go etahk ntubesi abalimajom. Jisos jo jene ekv, Pita jen ekv. Bo kono agun go nlaaga nyio, ji sennge kak. Pita kehm tob song ji o a bo.




Nlokeltum a Ntubesi  
abalimajom awohng no jolo  
mmonannyehn nne no Pita  
kpal-e etung, kehm bahbe Pita  
re, “Wo sang n nyehn-a no go  
etahngga, a nne nooa?” Pita kehm  
kpe gbaame. Nkok kehm soro  
kuk tvtv. Pita kehm soro lohng ona,  
song kehme ellingi ndon ndon.




Ellong ane bao kpee kehm tahme,  
ko Jisos song rehng a ne goji Paillet.  
Owo Paillet kehm-e bahbe re, “Anv,  
wo wo li ntul no Jusa?” Jisos  
kehm-e faange re, “Me wo, a  
bungu nseenge.” Paillet  
jo sebe re á yehke Jisos  
yake, owo á kehm kpe  
bung a bo. Bo kpe rabe na  
re, “Kum-e go ekros!


Kum-e go ekros!”




Paillet kehm yake Jisos ka bo re  
bo song kum-e go ekros. Bo  
kehm-e koko tahm a ne. Jisos  
kehm solo ekros eje, song rehng  
go edi ji bo jo lung re edi  
nkpakesi, ji bo jo lung go alum  
Hibru re Golgota.



Owo bo kum-e lake go ekros. Ane abal  
ba bo tob kum bo o, nne noko go ejang  
eboblum, noko go ejang ebobkal,  
Jisos woomo go elka elka.



Njul kpeem ya. Ekpiki ji tokko go etahk Esowo kehm yange ejang ebbal. Owo Jisos kehm rabe wahre wahre wahre re, “Nsoo, me n yake etohko ejame kak go ega ebo.” Eji á ma bung ano mal, á soro kpo.



Efung bi bo kpo toobo ebjing bi  
elkak Pasova, bi sene efung  
Esabat, owo Josef ji lohng go  
Arimatia kehm bake. Á jolo  
nlamalam no jo sahb  
l'lub ane. Á jo siki  
elbake nio ni etul bi  
Esowo.

Josef jo sahb tahm song  
kpiri ntul a Paillet, kehm-e  
bahbe re á lub taame, á  
song fono ekv ji Jisos.



Josef kehm gunu mbarebara  
mbomo, kehm song fono ekv ji  
Jisos, fere kpennge mbomo  
mio, rod tahm a ji, song  
kak go elahm bi bo  
rahme go ekpartal.  
Á kehm bannge  
eltal, bulu go  
nnyo elahm.



Etoono efung behko, eji efung ebjing  
atoobo ma sehng, atubesi  
abalimajom, a Bab Farisi  
kehm song kono asi go  
etahk Pailet, kehm-e  
tongo re, “Nsoo, wahr  
ebbuumu ana  
nnehm a nne noo  
bungu ngare nyi á  
kpeke li go elkpin

re, ‘Nfung era  
m bahke  
nyahme  
go elkv.’”




Bo kehm tahme, song bum ab'baabe  
o re bo baabe elahm,  
fere rod elak lake, kak  
elliingi, (eji bo l'kahn,  
nne l'yel go elahm).




Eji Esabat ma sehng, ngbokambang  
efung go erahde, efungfu behre  
behre Meri ji lohng go  
Magdala, a Meri jehko, bo  
kehm tahme re, bo  
song nyehn elahm.



Owo ndi kehm soro kehme elgbehke  
tete, tibre enjel nyi Jehova lohngo  
go ejahbetul Esowo ba, ba  
bannge eltal nio bum go  
nkpe, fere ji. Ab'baabe  
bao fahl-e sehng, fere  
jo k'kahm, bo fere  
jolo are akvne nya.




Enjel nyio kehm tongo anebkal bao re, “Kana kpe fahl! Tibre n kp'kahne re, n kpi Jisos seb, ji bo kum-e go ekros. Ana á limm, yebnyahme fi, ana á bungu no. Baan, wahn ba nyehn edi ji á noongo no.”




Owo bo kehm lohngo go elahm elwaare,  
elfahle elfahle, a egburu eyebatahng,  
be re bo song tong abat'toono ebe.

Eji bo fi no re bo song tong  
abat'toono ebe, owo Jisos kehm  
ba wane bo, kehm bungu re,  
“N kp-n kake nnyo.” Bo kehm  
jeere kohl-e, jamm-e alahng,

jabb-e akpade, fere kak-e.





---

Es'kohro, Jisos kehm ba kpiri abat'toono ebe, ewubu a nne awohng, eji bo kpi nsol li. Á kehm nyame bo tib go bo ek'taame, a etahnsi ebo. Tibre bo tikem taame tv ane bao ba nyehn-e no, fere ba tong bo re, yebnyahme go elkv, fere jol go elkpin. Eji Ntul a Jisos ma bung a bo mal, nsahm Esowo kehm-e soro rod, tahm a ne go ejahbetul Esowo. Jisos song ji go eboblum Esowo.



Esowo njini kor-e na, wo, á rodo  
Mmon mmon awohng ewe ka re, nne  
awohng awohng no l'taame tv-e, á  
nehm tiki kpo tan, á kpi elkpin  
ni li go njinanjini.



Rom 3:23

tibre ane kpee eblim abiafem. Ellub ni Esowo ebrin bo.

Rom 6:23

Tibre nsehng nyi abiafem, elkv ni. Ayare nya Esowo ka-  
mbol mbol, elkpin ni li go njinanjini ni, ni sehngge go  
abo nya Jisos Kraist Ntul ewahre.

Hibru 9:27

Ana nne awohng awohng bahke kpoko nkpelkpel anyehng,  
kehm song yiimi go eti elam ji Esowo,



## Efesus 2:8,9

Tibre nnoobo nyi Esowo nyi wahngé m ma bel eltahre tib go egahne eltaame, wahn sang wahngé, ayare nya Esowo nya. M belem eltahre tib go eltum alimi, eji nne awohng awohng l'k'jo wor nnyo.

## Rom 10:9,10

Tibre a l'fere yiimi ntianse re, “Jisos Ntul wo,” fere taame go ega eltim re, “Esowo nyahm-e nyahme go elkv,” a bahke bele eltahre. Tibre nne no ma taame go ege eltim, ye wo ma li eno go esamahr bi Esowo. Nne no kp'yiimi ntianse ka Jisos, ye wo ma bel eltahre.



Jon 3:16,17

Esowo njini kor-e na, wo, á rodo Mmon mmon awohng ewe ka re, nne awohng awohng no l'taame tv-e, á nehm tiki kpo tan, á kpi elkpin ni li go njinanjini. Tibre Esowo tumem Mmon ewe tv go njini nyia re á ba ka njini ebi. Á tum-e re á ba tahre njini nyia.

1 Jon 5:11-13

A wo li ntianse nyi li re, Esowo ma-r ka elkpin ni li go njinanjini. Elkpin nio ni li goji Mmon ewe. Nne no l'ko Mmon, á kpi elkpin. Nne no tohko ko Mmon no Esowo, elkpin á kpimm. N kp'nyono nwer nyia tv wahn ji ma taame tv mbing nyi Mmon no Esowo, eji n' l'kahn re, n' kpi elkpin ni li go njinanjini.



Matiu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Ekajuk Bible (eka) ©2024 Luke Initiative for Scripture  
Translation

<https://www.bible.com/en-GB/bible/3992/GEN.1.EKA-011>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

